

ԳԻՏՆԱԿԱՆԻ ԱՇԽԱՐՀՆ ՈՒ ԱՇԽԱՏՈՒԹՅՈՒՆՆԵՐԸ

(Ակադեմիկոս էդվարդ Զրբաշյանի ծննդյան 60-ամյակի առթիվ)

Գիտությունը հետևողական և ինքնամոռաց որոնումների արվեստ է, ճշմարտության հայտնագործման դժվարին արվեստ, ինքը գիտնականը՝ ստեղծագործող և արվեստագետ, աղգային ոգու և հանրային եսի դրսևորումների ու տվյալափոխանքների մեկնաբան, միայն թե նրա երկասիրությունների մեջ էականը ճշգրիտ համադրումներն ու խորիմաստ բացահայտումներն են, հետևողական աշխատանքի նախանձելի դրսևորումները, մինչդեռ բուն գեղարվեստական երկին հատուկ են տիպերն ու կերպարները, այլաբանական պատկերները, տարբրային ընկալումներն ու հուղական շեշտերը:

Գիտնականն էլ, իսկ մեր խոսքը բնատուր շնորհով օժտված գիտության իսկական աշխատավորի մասին է և ո՛չ ինքնացուցադրման վարպետների (որոնք պատրաստ են մեկնաբանելու ուզածդ գրողին, ցանկացածդ դարաշրջանն ու պրոբլեմը), ունի իր նախասիրությունները, իր սիրելի քերթողները, մեկը կամ մի քանիսը, և վերջինների բանաստեղծական աշխարհում էլ, լայնքով ու խորությամբ, ծավալում է



իր որոնումներն ու հայտնությունները: Այդ հեղինակներին նրանք ընտրում են տակավին դպրոցական նստարանից և այնուհետև ամբողջ կյանքում դառնում նրանց բազինների անդալաճան սպառարկուն և ուխտավորը, նրանց հոգեհարազատ պատգամների թարգմանը:

Այդպիսի լուրջ ու խոհուն գրականագետ-արվեստագետների թիվը շատ չէ մեզանում, և մեր հետագա խոսքը պիտի լինի նրանց լավագույն ներկայացուցչի՝ ակադեմիկոս էդվարդ Մկրտչի Զրբաշյանի մասին, որի ծննդյան 60 տարին լրացավ վերջերս:

Զրբաշյանի նախասիրած հեղինակները նախ և առաջ Թումանյանը, Տերյանն ու Զարենցն են, ապա և Իսահակյանը, Մեծարենցը: Բայց հորելյարը հայոց նոր ու նորագույն շրջանի բանաստեղծության խորունկ գիտակ ու մեկնաբան լինելուց բացի, նաև ժամանակակից գրականագիտական ու տեսական մտքի ականավոր ներկայացուցիչներից է, գեղարվեստի ընդհանուր օրինաչափությունների բացահայտող և տեսական խնդիրների լուծող: Նրա գրքերի ու յուրաքանչյուր գիտնականի միջոցով յուրացնելով դրականագիտության այբուբենը՝

հազարավոր ուսուցիչներ ու երիտասարդ գիտաշխատողներ այսօր հաջողությամբ գործում են Սովետական Հայաստանի ուսումնական և գիտական հաստատություններում, իրենց ուսուցչի մոտքերն ու հայացքները տարածում։ Իսկական գիտնականի համար սա մեծագույն երջանկություն է։

Գիտական ու մանկավարժական արդյունաշատ գործունեությունն սկսելուց առաջ Զորաշյանը ևս, ուրիշների նման, եղել է աշակերտ և ուսանող, գիտական աստիճանների հասցվոր, մի քանի տարի հայրենիքի պաշտպանության համար անչափ թանկ վճարած զինվոր, ապա նոր՝ բազմակիճիտ պրոբլեմներ լուծող, գիտաշխատողների նոր սերնդի ուսուցանող ու դաստիարակ, հայագիտության և հայ բանասիրության բախտով ու ապագայով մշակապետ մտահոգ գործիչ։

Գիտական աստիճաններ ու պատվավոր կոչումներ էլ։ Զորաշյանը վաղուց ունի, բայց այդ բոլորը արտաքին անձնաշնորհումներ են, որոնք իր առօրյա կյանքում բացառում է Զորաշյան մարդը և նորից, հին ու ավանդական սովորույթով, վաղ առավոտից մինչև ուշ գիշեր, շարունակում է հետազոտական պարապմունքները, համալսարանական դասախոսությունները, սրբութամբ կատարում պաշտոնական ու հասարակական բազմապիսի պարտականությունները, որոնց թվարկումն իսկ մեզ հեռուն կտաներ։ Եվ այնուհանդերձ՝ մի քանի կարևոր տվյալներ նրա Ծառայության ցուցակից։ 1950 թվականից էլ Զորաշյանը դասախոսում է հրեանի պետական համալսարանում գրականության տեսություն, գեղագիտություն և հայ գրականության պատմություն առարկաները։ 1954 թ. պաշտպանել է թեկնածուական թեզը «Երևանի լեզվաբանության և գրականության 1967 թ. նրան շնորհվել է պրոֆեսորի կոչում, 1974-ին ընտրվել է Հայկական ՍՍՀ գիտությունների ակադեմիայի թղթակից անդամ, իսկ 1982-ին՝ նույն ակադեմիայի ակադեմիկոս։ Հիմնական աշխատանքին զուգընթաց, առաջնորդում, վարիչ է «Գրական թերթի» խմբագրի տեղակալի, «Սովետական գրականություն» ամսագրի գլխավոր խմբագրի (1961—1962), «Բանբեր Երևանի համալսարանի» հանդեսի գլխավոր խմբագրի (1967—1977), գրականության ինստիտուտի տեսության բաժնի վարիչի (1966—1971) պաշտոնները։ Երբ 1972 թ. Համալսարանում կազմակերպվեց դրականության տեսության և գեղագիտության ամբիոն, էլ Զորաշյանը դարձավ վերջինի հիմնադիր վարիչը։ Նմբիոնը ներկայումս վերակառուցվել է ու վերանվանվել գրականության տեսության և արտասահմանյան գրականության ամբիոն, և էլ Զորաշյանը նորից նրա անփոփոխ ղեկավարն է։

Ակադեմիկոս էլ Զորաշյանը հրապարակել է 12 մենագրություն և դրականագիտական-տեսական աշխատությունների ժողովածուներ, շուրջ 220 հոդված ու փոքրածավալ հետազոտություն՝ նվիրված գրականության տեսության և գեղագիտության, հայ դասական ու ժամանակակից գրականության հարցերին։ «Գրականության տեսություն» դասագրքի (առ այսօր ունեցել է հինգ հրատարակություն) և «Հայ նոր գրականություն» կոլեկտիվ աշխատության համար արժանացել է ՀՍՍՀ պետական մրցանակների (1974, 1980)։

Նոր շրջափուլ է սկսվում էլ Զորաշյանի կենսագրության մեջ 1977 թ. մայիսի 11-ից, երբ դարձավ Մ. Աբեղյանի անվան գրականության ինստիտուտի դիրեկտոր, այսինքն՝ հայոց գրականագիտական-տեսական մտքի ղեկավար։ Մասնավորապես այս տարիներին է, որ ի հայտ եկան էլ Զորաշյանի՝ գիտահետազոտական աշխատանքների կազմակերպման խոր հմտությունը, ստեղծագործական աշխատանքի առողջ մթնոլորտ ստեղծելու նախանձնի կարողությունը։

Մեկ առ մեկ բնութագրել հայ բանասիրության և ընդհանուր գրականագիտության մարզերում էլ Զորաշյանի ծավալած հետազոտական գործունեության արդյունքները՝ հնարավորություն չունենք, ուստի բավարարվենք նրա նախասիրած բնագավառներից գեթ հիմնականներով։

Էլ Զորաշյանի աշխատությունների ստվար մասը նվիրված է գրականության տեսության ընդհանուր ու ազգային խնդիրներին, գեղարվեստական մե-

իողի և ժանրերի պատմության ու տիպաբանության հարցերին, ընդ որում՝ ույս ուղղությամբ իդ տեսական հետազոտությունները նա սկսել է դեռևս ուսանողական նստարանից, որի վկան բալլադի տեսության մասին գրած փայլուն աշխատությունն է (1949)։ Հայ իրականության մեջ էդ. Ջրբաշյանն առաջինը ստեղծեց գրականության տեսության համակարգված դասընթաց՝ հայ բանաստեղծության ու արձակի ընձեռած նյութերի վերլուծման հիման վրա՝ «Գրականության տեսություն» աշխատությունը արդեն լույս է տեսել 5-րդ հրատարակությամբ և հիմնադրել լավագույններից մեկը։ Ակադեմիկոս էդ. Ջրբաշյանն, սոցիոհետև, տեսական հետազոտության նյութ է դարձրել հայկական ոտանավորի բնույթն ու առանձնահատկությունները և փաստական նյութերի վերլուծմամբ հանգել նոր հետևությունների։ Այսօր տիրապետող է նրա առաջադրած տեսությունը հայկական ոտանավորի վանկական բնույթի ու հիմնական տեսակների մասին. «Հայկական ոտանավորն իր գերակշռող բնույթով անպայման միանկյուն է», «նրա հիմքը տողերի և կիսատողերի վանկային հավասարությունն է», — գրել է նա։ Վերևում հիշատակված այս ու մյուս խնդիրներն արժարժիկ են նրա մենագրական աշխատություններում և տեսական-գրականագիտական հետազոտությունների ժողովածուներում. ինչպես, օրինակ՝ «Պոեմի ժանրը սովետահայ գրականության մեջ» (1955), «Աշխարհայացք և վարպետություն» (1967), «Պոետիկայի հարցեր» (1976), «Գեղագիտություն և գրականություն» (1983) և այլն։

Գիտնականը լուրջ ներգրույմ ունի ազգային մեծ բանաստեղծ Հովհ. Թումանյանի կյանքի ու ստեղծագործության ուսումնասիրության բնագավառում՝ նորովի մեկնաբանելով նրա պոեմների և մյուս երկերի ազգային ակունքների ու ստեղծագործական պատմության հարցերը, նրանց բովանդակության և գեղարվեստական կերտվածքի յուրահատկությունները, նրա ողջ ստեղծագործության համաշխարհային նշանակությունը։ Միջնադարյան մեր քնարերգունիլից հետո, — եզրակացրել է գիտնականը, — առաջինը Թումանյանն էր, որ հայ պոեզիան նորից հասցրեց համաշխարհային արվեստի լավագույն նվաճումների աստիճանին։ Հովհ. Թումանյանին նվիրված նրա ուսումնասիրություններից առ այսօր առանձին գրքերով լույս են տեսել երեքը՝ «Թումանյանի պոեմները» (1964), «Թումանյանի բալլադները» (1969), «Թումանյանի պոեզիան» (նույն տարին, ռուսերեն) և մի շարք ծավալուն հոգվածներ պարբերական մամուլում և հանգուցյալ Արամ Ինճիկյանի ու իր նախածնունդով հիմնադրված «Թումանյան, հետազոտություններ և հրապարակումներ» մատենաշարի հերթական գրքերում («Թումանյանի վարպետության հարցերից» — 1964 և 1969, «Թումանյանի ռեալիզմը» — 1983), վերջապես՝ մի ծավալուն ուսումնասիրություն էլ «Հայ նոր գրականության պատմության» V հատորում և այլն։

Էդ. Ջրբաշյանը, սոցիոհետև, համակողմանի քննության է ենթարկել հայ նոր բանաստեղծության ձևավորման և զարգացման պատմությունն ու տեսությունը, XIX դ. վերջերի և XX դ. առաջին տասնամյակների արևելահայ ու արևմտահայ գրական ուղղությունները՝ իրենց գեղագիտական ու գաղափարական դրսևորումներով, ժանրային բազմազանությամբ և միջազգային առնչություններով։ Մ. Նալբանդյանի, Ղ. Ալիշանի, Գ. Մունդուկյանի, Դ. Վարուժանի, Մ. Մեծարենցի, Վ. Տերյանի և Բ. Սևակի կյանքի ու ստեղծագործության այլևայլ հարցերին նվիրված նրա բաղմամբիվ աշխատությունները և մասնավորապես «Միտաբ Մեծարենց» (2-րդ հրատ., 1977) և «Զորս գագաթ. Թումանյան, Իսահակյան, Տերյան, Զարենց» (1982) գրքերը ընդհանրացնում ու մեկնաբանում են փաստական հարուստ նյութեր, առաջադրում թարմ և ճշգրտված հայեցակետեր ու մեծապես հարստացնում հայ բանասիրական գիտությունը։ Ինքնաշխատառնություն է գիտնականի՝ Միքայել Նալբանդյանին ու նրա ժամանակակիցներին նվիրված հետազոտությունների ժողովածուն, ուր քննության առնված խնդիրները՝ Մ. Նալբանդյանի պոեզիան, արևմտյան գրականությունների հետ ունեցած առնչությունները, հրապարակախոսական արվեստը և այլն ստացել են խորիմաստ լուծումներ։

էդ. Զրբաշյանի հետազոտությունների մի մասն էլ նվիրված է սովետական շրջանի հայ գրականության հարցերին, առաջին հերթին՝ Ե. Զարենցի և Ա. Բակունցի ժառանգությանը, ապա և՝ ռուս ու արևմտաեվրոպական գրականությունների հետ հայ գրականության առնչություններին, Հիշեցնենք, որ նա Մ. Լերմոնտովի կյանքի ու ստեղծագործության, ինչպես նաև գեղարվեստական ուսմունքների պատմության (Բուալույի, Վ. Իելինսկու, Գ. Պլինսանովի տեսական հայացքներին) հեղինակավոր հետազոտող է։

Մենք դեռ չխոսեցինք հայ գրականությունն ու տեսական միտքը համամիութենական ասպարեզ հանելու ուղղությամբ էդ. Զրբաշյանի թափած ջանքերի մասին, որոնց վկան նրա նախաձեռնությամբ վերջին տարիներս կրեանում հրավիրված համամիութենական կոնֆերանսներն ու գիտական սեսիաներն են՝ նվիրված հայոց հին ու միջնադարյան գրականության հարցերին և ժամանակակից գրականագիտության կենսական խնդիրներին, ապա և այդ նյութերի հրատարակությունները ռուսերեն հատուկ ժողովածուներով, Գիտական մեծ հետաքրքրություն առաջ բերեց «Ընդհանուր» և առանձնահատուկը հայ գրականության դասական ուղղություններում՝ թեմայով ղեկուցումը, որ նա կարգաց 1979 թ. օգոստոսին Ավստրիայի Ինսբրուկ քաղաքում կայացած Համամատական գրականագիտության միջազգային ասոցիացիայի IX կոնգրեսում։

Երկու մեծ ծրագիր ունի գիտնականը. իրականացված տեսնել Հովհաննես Թումանյանի և Վահան Տերյանի նրկերի գիտական նոր և օրինակելի հրատարակությունները, Թումանյանի երկերի ակադեմիական, բազմահատորյակը (բաղկացած տասը գրքից) ներկայումս պատրաստվում է Մ. Արեղյանի անվան գրականության ինստիտուտում, և առաջիկա տարում, էդ. Զրբաշյանի ղեկավարությամբ կսկսվեն խմբագրական աշխատանքները, Տերյանի նրկերի լիակատար ժողովածուի գիտաքննական հրատարակությունը օրակարգի հարց է, և առաջին հատորը պետք է պատրաստվի էդ. Զրբաշյանի գործոն մասնակցությամբ։

Ցանկանք գիտնականին անսպառ եռանդ և ստեղծագործական ծրագրերի փայլուն կատարում, անձնական ու հետազոտական կյանքում լավագույն հաջողություններ։

ՊԻՈՆ ՀԱՎՈՐՅԱՆ

Բաճախական գիտությունների դոկտոր, պրոֆեսոր

Մեծարգո նորելյար.

Մտագին շնորհավորում եմք Ձեզ ծննդյան 60-ամյակի առթիվ։ Մաղքում եմք Ձեզ փառալուծություն, երկարամյա կյանք և ստեղծագործական ներաճ հաջողություններ։

«ԱՐԱՐԵՐ ՀԱՍԱՐԱԿԱՆ ԳԻՏՈՒԹՅՈՒՆՆԵՐԻ»

ԱՄՍԱԳՐԻ ԽՄԲԱԳՐՈՒԹՅՈՒՆ